

Ndai "Anhte Hkalup Hpung..." ngu ai laika buk gaw Hkalup Hpung ngu nna byinpru wa ai labau kadun, ban hte ban rawtjat galu kaba chyambra wa ai lam ni hpe mungkan madang dam lada ai hku hti dat ai hte Hkalup makam ni hpe aloi sha hkrang lu na matu myi jahpaw ya ai laika rai nga ai hpe mu lu ai.

Ndai laika hpe Rev. Nwaw La Ja gaw 'Mungkan Hkalup Hpung Zuphpawng' (*Baptist World Alliance, BWA*) kaw nna ka shapraw da ai 'We Baptists' ngu ai laika hpe madung tawn shamyet shanat let dam lada ai hku nna matut sawk ka tawnda ai laika buk re ai hpe mu lu ai. Gahkaw, ga gale ai (*literary translation*) n re ai sha, lachyum hpe grau bunghkup lu ai (*liberal translation*) lai lang nna, ga gale ka shakup let jahkum shatsup shaleng da ai hpe mu lu ai. Ndai laika buk hta, anhte n chye n mai rai nga ai mungkan na Hkalup Hpung ni jawm hpawngde ai lam ni hpe chyena loi na hku jahpan hte hkrak ka madun da ai. Hkalup Hpung hte seng ai laika buk kaja rai nna, anhte Hkalup Hpung masha ni yawng a matu n chye n mai re ai lam ni hpe sawk sagawn da ya ai lakchyoi laika buk nan rai nga mali ai law ■

**Rev. Dr. Lahpai Zau Lat**

Ningbaw

Myenmung Hkalup Hpung Ginjaw, MBC

Ndai laika buk gaw, KBC nawku hpung ni yawng, Hpung masha ni yawng hte chyumjawng hkan hkaja na matu Kachin Hkalup Hpung ni a matu sutgan kaba langai rai nga sai ■

**Rev. Dr. Hkalam Samson**

Amu Madu, KBC



Rev. Nwaw La Ja (B.Th; B.A (Philo); M.Div; Th.M (Kr); PG-DipPsycho Therapy (India) gaw lai sai ten Dapkawng Buga Hkalup Hpung a ningtau Amu Madu hte Ramma Hpa-awn (2004-07), MKBA Ramma Hpa-awn (2006-07); KBC Ramma Dap a Tingnyang Up (2010-2014), Hpaji Up, Myitkyina Ginwang Hkalup Sasana Chyumjawng (MBMS, 2010-2015) hku apnawng lai wa nna, ya ten hta Ph.D program hpe Myanmar Institute of Theology (MIT) kaw karaimasa hpaji hpungjat nga ai. Ebeneza Buga Hpung a sasana magam hta mung karum shingtau lawm nga ai. Karaimasa mungga laika-ngau law law hte laika buk ni hpe ka, dip shapraw let, sharin achyin ai sasana amu hta jailang hkam nga ai ■

**ANHTE HKALUP HPUNG • NWAW LA JA**

# **ANHTE HKALUP HPUNG**

**KARAI LANGAI, MAKAM LANGAI,  
HKALUP LANGAI**

(We Baptists: One Lord, One Faith, One Baptism)



**NWAW LA JA**